



Aningaasalersuineramik ingerlataqarneq pillugu inatsisip allanngortinnissaa pillugu Kalaallit Nunaannut atuutilernissaanut Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut.

(Aningaasaqarnermut, Inatsisit Atuutsinnerannut, Aatsitassanut Naligiissitaanermullu Naalakkersuisoq, Naaja H. Nathanielsen).

Siullermeerneqarnera

Naalakkersuisut saqqummiussaata Inatsisartut suleriaasianni § 33 naapertorlugu aalajangiiffigisatut siunnersuut saqqummiuppaat taasissutissatut qulequtaralugu aningaasalersuineramik ingerlataqarneq pillugu inatsisip allanngortinnissaa pillugu Kalaallit Nunaannut atuutilernissaanut Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. taannalu Naleqqamiit imatut oqaaseqarfigissavarput.

Siunnersuut suliffeqarfinnik allatigullugu aningaasalersuineramik ingerlataqartut pillugit kikkut piginnituiinersut ersarissumik takuneqarsinnaangornissaanik paasissutissanik qularnaarinissaanut malittarisassanik ilaatigut inatsisissatut siunnersuut imaqarpoq.

Inatsisartut 2021-imi ukiaanerani ataatsimiinnitsinni aaliangiingissamut siunnersuutit arlallit suliaralugillu akuersissutigaaqut, tassanilu piginnituiit nalunaarsorneqarnerat pillugit malittarisassat allanngortinneqartut suliani una akornanniittuuvoq.

Kalaallit Nunatsinni aningaasaqarnermut tunngasut inatsisiliornerit Qallunaat nunaanni inatsisiliaallutik naleqqussagaapput nammineq suli akisussaaffiginnginnatigit taamatullu nunat assiginngitsut akornanni aaqquissuussinermi Qallunaat naleqqussaasarneri tassunga ilanngullugu pingaarnermik EU-p malittarisassaanut tunngaveqartiterlutik, naak nunarput EU-mut ilaasortaangikkaluartoq.

Siunnersuut una qallunaat nunaanni suliarineqareerluni Inatsisartuni ukiaanerani 2021-imi suliarisatta ilagaat inatsisartuni amerlanerussuteqartut akuersineratigut, maannalu aningaasalersuineramik



ingerlataqarneq pillugu inatsisip maannakkut suliarisatta, Kalaallit Nunaanni kunngip peqqussutaa naapertorlugu atuutilersoq maannakkut uani missingiummi allanngortinniarneqartoq aammaarlugu inaarsarnerattut akuerisassanngorlugu saqqummiunneqarpoq.

Taamaammat suliat uunga tunngassuteqartut ingerlanneranni oqaaseqaateqarluta toqqammavil-ersorfigereernikuugatsigu tapersorlugulu inatsisip atuutilernissaa Inatsisartut aalajangiiffigissassaattut siunnersuut aningaasalersuisarnermik ingerlataqarneq pillugu kunngip peqqussutaani peqqussutip Kalaallit Nunaanni atuutilersinneratigut Namminersorlutik Oqartussat akuersinissaat pillugu Inatsisartut aalajangiiffigissassaattut siunnersuut Naleqqamiit akuersaarlutigu taamatut oqaaseqaateqarpugut.